

UPA 2023/36: Atorfimmi peqquserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut Siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Asii Chemnitz Narup, Inuit Ataqtigiit)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaaneerinnineq

Atorfimmi peqquserlunnerup akiornissaa pillugu isumaliutissiissummik Inatsisinut Ataatsimiititaliap sukumiisumik sulinerat Naalakkersuisut qujassutigaa.

Ataatsimiititaliap isumaqatigiissut Naalakkersuisut allannguutissatut siunnersuutaata akuerineqarnissaannik inassuteqarnerat, Naalakkersuisut nuannaarutigaa.

Tamanna tunuliaqutaralugu atorfimmi peqquserluttarnerup akiorneqarnissaanik periusissiorneq, atorfimmilu peqquserluttarneq akiorniarlugu suliniutinik sukumiisunik atuutilersitsinissamik suliaqarnertik Naalakkersuisut aallartissavaat.

Periusissiassami atuutilersitsinissamut piffissaliussanik aalajangersaasariaqarnermik, kingornalu suliniutinik assigiinngitsunik nalilersuinissamik, ataatsimiititaliap kaammattuutai Naalakkersuisut maluginiarpaat. Kaammattuut taanna malinneqassaaq.

Taama naatsumik oqaaseqarlutik allannguutissatut siunnersuutip akuerineqarnissaa Naalakkersuisut inassutigaa.